

宋
名
家
詞

友古詞

目錄

水調歌頭 二調

滿庭芳 五調

蘇武慢 一調

飛雪滿群山 二調

水龍吟 一調

驀山溪 四調

念奴嬌 五調

雨中花慢 一調

喜遷鶯 一調

憶瑤姬 一調

醜奴兒慢 一調

滿江紅 一調

婆羅門引

一調

青玉案

二調

浣溪沙

十三調

虞美人

七調

生查子

五調

南歌子

三調

南鄉子

二調

菩薩蠻

十一調

憶秦娥

二調

清平樂

三調

謁金門

二調

憶王孫

一調

阮郎歸

一調

柳梢青

三調

好事近

二調

卜算子

六調

小重山

四調

踏莎行

六調

定風波

二調

點絳脣

十一調

昭君怨

一調

醉落魄

四調

極相思

二調

玉樓春

二調

長相思

三調

西地錦

一調

歸田樂

一調

七娘子

一調

感皇恩

二調

減字木蘭花

五調

漁家傲

一調

西樓子

二調

御街行

一調

洛陽春

一調

臨江仙

七調

瑞鷓鴣

一調

惜奴嬌

一調

行香子

一調

一剪梅

三調

六么令

一調

鎮西

一調

看花回

一調

訴衷情

一調

浪淘沙

一調

如夢令

二調

愁倚欄

三調

望江南

一調

春光好

一調

風流子

一調

朝中措

二調

侍香金童

一調

江城子

一調

西江月

一調

蒼梧謠

一調

採桑子

一調

洞仙歌

一調

瑞鶴仙

一調

友古詞目錄終

友古詞

宋 蔡 伸

水調歌頭

川盧贊兄
韵別彭城

醉擊玉壺缺恨寫綠琴哀悠悠往事誰問離思
渺難裁綠野堂前桃李燕子樓中歌吹那忍首
重回唯有舊時月遠遠逐人來 小庭空清夜
永獨徘徊伴人幽怨一枝瀟洒隴頭梅□斷雲
帆西去目送煙波東注千里接長淮爲我將雙

淚好過楚王臺

又

時居
莆田

亭臯木葉下原隰菊花黃
憑高滿眼秋意時節
近重陽追想彭門往歲
千騎雲屯平野高宴古
毬塲弔古論興廢看劍
引盃長感流年思往事
重淒涼當時坐間英俊
強半已凋亡慨念平生
豪放自笑如今霜鬢漂
泊水雲鄉已無功名
志此意付清觴

又

相逢非草草分袂太怱怱征裘淚痕浥遍眸子
怯酸風天際孤帆難駐柳外香輶望斷雲雨各
西東回首重城遠樓觀暮煙中黯銷魂思陳
事已成空東郊勝賞歸路騎馬踏殘紅月下一
樽芳酒凭闌幾曲清歌別後少人同爲問桃花
臉一笑爲誰容

滿庭芳

友古詞

二

汲古閣

煙鎖長堤雲橫孤嶼斷橋流水溶溶凭闌凝望
遠目送征鴻桃葉溪邊舊事如春夢回首無蹤
難忘處紫薇花下清夜一樽同 東城携手地
尋芳選勝賞遍珍叢念紫簫聲闕燕子樓空好
是盧郎未老佳期在端有相逢重重恨聊憑紅
葉和淚寄西風

又

風捲龍沙雲垂平野晚來密雪交飛坐看闌檻

瓊蕊遍寒枝妝點蘭房景致金鋪掩簾幙低垂
紅爐畔淺斟低唱天色正相宜更闌人半醉
香肌玉暖寶髻雲欹又何須高會梁苑瑤池堪
笑子猷訪戴清興盡忍凍空回仍休羨漁人江
上披得一蓑歸

又

鸚鵡洲邊芙蓉城下迥然水秀山明小舟雙槳
特地訪雲英驚破蘭衾好夢開朱戶一笑相迎

良宵永南窗皓月依舊照娉婷
別來無限恨
持盃欲語恍若魂驚
愴霎時相見又慘離情還
是囟囟去也重攜手密語叮寧
佳期在寶釵鸞
鏡端不負平生

又

秦洞花迷巫陽夢斷夜來曾到藍橋洞房深處
重許見雲翹蕙帳殘燈耿耿紗窗外疎雨蕭蕭
雙心字重衾小枕玉困不勝嬌
尋常愁夜永

今宵更漏彈指明朝敘深情幽怨淚裛香綃記
取于飛厚約丹山□別選安巢驟鸞去青霄路
穩明月共吹簫

又

玉鼎翻香紅爐疊勝綺窗疎雨瀟瀟故人相過
情話款良宵酒暈微紅襯臉橫波浸滿眼春嬌
雲屏掩鴛鴦被煖欹枕聽寒潮如今成別恨
臨風對月揔是無聊念傷心南陌執手河橋還

似一場春夢離魂斷楚些難招佳期在踏青時
候花底聽鳴鑣

蘇武慢

雁落平沙煙籠寒水古壘鳴笳聲斷青山隱隱
敗葉蕭蕭天際暝鷗零亂樓上黃昏片帆千里
歸程年華將晚望碧雲空暮佳人何處夢魂俱
遠憶舊遊邃館朱扉小園香徑尙想桃花人
面書盈錦軸恨滿金徽難寫寸心幽怨兩地離

愁一樽芳酒淒涼危欄倚遍儘遲留憑仗西風
吹乾淚眼

飛雪滿羣山

又名扁舟
尋舊約

冰結金壺寒生羅幙夜闌霜月侵門翠筠敲竹
疎梅弄影數聲雁過南雲酒醒欹棹枕愴猶有
殘粧淚痕繡衾孤擁餘香未減猶是那時煙
長記得扁舟尋舊約聽小窗風雨燈火昏昏錦
裯纔展瓊籤報曙寶釵又是輕分黯然携手處

友古詠

一

五

汲古閣

倚朱箔愁凝黛顰夢回雲散山遙水遠空斷魂

又

絕代佳人幽居空谷綺窗森玉倚倚小舟雙槳
重尋舊約洞房宛是當時夜闌紅燭黯黯相對
渾如夢裏旋烘鴛錦塵生繡帳香減縷金衣

須信有盟言同皎日□利牽名役事與君違君
已許□今生來世兩情到此奚疑彩鸞須鳳友
算何日丹山共歸未酌深願綿綿此恨無盡期

水龍吟

重過舊隱

画橋流水桃溪路別是壺中佳致南樓夜月東
窗疎雨金蓮共醉人靜回廊竝肩携手玉芝香
裏念紫簫聲斷巫陽夢覺人何在花空委寂
寞危欄獨倚望仙鄉水雲無際芸房花院重來
空鎖蒼苔滿地物是人非小池依舊彩鶯雙戲
念當時風月如今懷抱有盈襟淚

驀山溪

登歷易城樓

友古詞

六

汲古閣

孤城算角落日邊聲靜醉袖拂危闌對天末孤
雲愁凝吳津楚望表裏抱江山山隱隱水迢迢
滿目江南景 羈懷易感往事傷重省羅袂浥
殊香鬢星星忍窺清鏡瓊英好在應念玉關遙
凝淚眼下層樓回首平林暝

又

疎梅雪裏已報東君信冷艷與清香似一个人
人標韵晚來特地酌酒慰幽芳携素手摘纖枝

插向烏雲鬢 老來世事百種皆消盡榮利等
浮雲謾汲汲徒勞方寸花前眼底幸有賞心人
歌金縷醉瑤卮此外君休問

又

書雲今旦雪霽嚴凝候玉輦想回鑾正花覆千
官錦繡周南留滯清夢繞觚稜心耿耿路迢迢
此際空回首 華堂薦壽玉筍持椒酒一曲轉
春鶯更祝我膺時納祐功名富貴老去已灰心

友古詞

七

汲古閣

唯只願捧觴人歲歲長依舊

又

金風玉露時節清秋候散髮步閑亭對熒熒一天星斗悲歌慷慨念遠復傷時心耿耿髮星星倚杖空搔首區區戀豆豈是甘牛後時命未來間且只得低眉袖手男兒此志肯向死前休無限事幾多愁揔付盃中酒

念奴嬌

凌空寶觀乍登臨多少傷離情味
綠綠煙波吳會遠極目江淮無際
檻外長江樓中紅袖淡蕩秋光裏
一聲橫吹半灘鷗鷺驚起因念邃館
香閨玉肌花貌有盈盈仙子弄水
題紅傳密意寶墨銀鈎曾寄淚粉
香銷碧雲路杳脉脉人千里一彎
新月腸斷危欄獨倚

又

歲華晚晚念羈懷多感佳會難卜
草草盃盤聊

話舊同剪西窗寒燭翠袖籠香雙蛾歛恨低按
新翻曲無情風雨斷腸更漏催促 匆匆歸騎
難留鸞屏鴛被忍良宵孤宿回首幽歡成夢境
唯覺衣襟芬馥海約山盟雲情雨意何日教心
足不如不見爲君一味愁感

又

畫堂宴闋望重簾不捲輕啞朱戶悄悄回廊驚
漸聞蟋蟀淩波微步酒力融春香風暗度携手

偎金縷低低笑問睡得真箇穩否 因念隔闊
經年除非魂夢裏有時相遇天意憐人心在了
豈信關山遐阻曉色朦朧柔情睠戀後約叮嚀
語休教腸斷楚臺朝暮雲雨

又

當年豪放況朋儕俱是一時英傑逸氣凌雲佳
麗地獨占春花秋月冶葉倡條尋芳選勝是處
曾攀折昔遊如夢鏡中空嘆華髮 邂逅萍梗

相逢十年往事忍樽前重說茂綠成陰春又晚
誰解丁香千結寶瑟彈愁玉壺敲怨觸目堪愁
絕酒闌人靜爲君腸斷時節

又

輕雷驟雨洗千岩濃翠層巒森列衣袂涼生叢
竹外時有飛螢明滅雲浪鱗鱗蘭舟泛泛共載
一輪月五湖當日未應此段奇絕 歸路橫玉
驚鸞叫雲清似水悠颺天末玉宇瓊林凝望處

依約廣寒宮闕老去情鍾此心仍在未肯甘華
髮清歡留作異時嘉話重說

雨中花慢

寓目傷懷逢歡感舊年來事事疎慵嘆身心業
重賦得情濃況是離多會少難忘雨跡雲蹤望
斷無錦字雙鱗杳杳新雁雖雖良宵孤枕人
遠天涯除非夢裏相逢相逢處愁紅歛黛還又
箇箇回首綠窗朱戶可憐明月清風斷腸風月

關河有盡此恨無窮

喜遷鶯

青娥呈瑞正慘慘昇寒同雲千里剪水飛花漸
漸瑤英密洒翠筠聲細邃館靜深金鋪半掩重
簾垂地明窗外伴疎梅瀟洒玉肌香膩幽人
當此際醒魂照影永漏愁無寐強拊清尊添
寶鴨誰會黯然情味幸有賞心人奈咫尺重門
深閉今夜裏算忍教孤負濃香鴛被

憶瑤姬

南徐連滄
觀賞月

微雨初晴洗瑤空萬里月挂冰輪廣寒宮闕□
望素娥縹緲丹桂亭亭金盤露冷玉樹風輕□
覺秋思清念去年曾共吹簫侶同賞蓬瀛奈
此夜旅泊江城謾花光眩目綠酒如澗幽懷終
有恨恨綺窗清影虛照娉婷藍橋杳楚館雲深
擬憑歸夢去強就枕無奈孤衾夢易驚

醜奴兒慢

明眸秀色別是天真瀟灑更鬢髮堆雲玉臉淡
拂輕霞醉裏精神衆中標格誰能面當時携手
花籠淡月重門深亞 巫峽夢回已成陳事豈
堪重話謾瀛得羅襟清淚鬢邊霜華念傷懷凭
闌煙水渺無涯秦源目斷碧雲暮合難認仙家

滿江紅

人倚金鋪顰翠黛盈盈墮曉話別處留連無計
語嬌聲咽十幅雲帆風力滿一川煙暝波光闊

但回首極目望高城彈清血
竝蘭舟停画楫
曾共醉津亭月銷魂處今夜月圓人缺楚岫雲
歸空悵望漢臯珮解成輕別最苦是拍塞滿懷
愁無人說

婆羅門引

再遊仙潭
薛氏園亭

素秋向晚歲華分付木芙蓉蕭蕭紅蓼西風記
得當時擷翠擁手繞芳叢念吹簫人去明月樓
空遙山萬重望寸碧想眉峯翠鈿瓊璫謾好

誰適爲容淒涼懷抱筭此際唯我與君同凝淚
際目送征鴻

青玉案

和賀方回韵

參差弱柳長堤路弱柳外征帆去皓齒明眸嬌
態度回頭一夢斷腸千里不到相逢地來時
約畧春將算幽恨空餘錦中句小院重門深幾
許桃花依舊出墻臨水亂落如紅雨

又

鸞凰本是和鳴友，奈無計長相守。雲雨匆匆分
袂後，綵舟東去，櫓聲啞，目斷長堤柳。涓涓
清淚輕綃透，殘粉餘香尚依舊。獨上南樓空回首。
首夜來，明月怎知今夜少。箇人携手。

浣溪沙

壬寅五月西湖

雙佩雷文拂手香，青紗衫子淡梳粧。冰姿綽約
自生涼。虛掉玉釵驚翡翠，緩移蘭棹趁鴛鴦。
鬢鬟風亂綠雲長。

又

玉趾彎彎一折弓
秋波剪碧艷雙瞳
淺顰輕笑意無窮
夜靜擁爐煙鵲腦
月明飛棹採芙蓉
別來歡事少人同

又

仙潭
二首

蘋末風輕入夜涼
飛橋画閣跨方塘
月移花影上迴廊
璨枕隨釵雲鬢亂
紅綿撲粉玉肌香
起來携手看鴛鴦

又

窗外疎簾對節金
画橋新綠一篙深
沉沉清夜對橫參
酒暈半消紅玉臉
雲鬟輕製小犀簪
夢回陳迹杳難尋

又

崑山月華閣

沙上寒鷗接翼飛
潮生潮落水東西
征船鳴櫓趁潮歸
望斷碧雲無錦字
謾題紅葉有新詩
黃昏微雨倚闌時

又

漠漠新田綠未齊
柳陰陰下水平堤
竹間時有乳鴉啼
雲歛屏山橫枕畔
夜闌璧月轉林西
玉芝香裏綵鴛栖

又

紫燕雙雙掠水飛
廉纖小雨未成泥
籬邊開盡野薔薇
會少離多終有恨
暫來還去益堪悲
後期重約採蓮時

又

窄窄霜綃穩稱身強臨歌酒慘離魂故人相遇
並傷神 斷雨殘雲千里隔瓊枝璧月四時新
爲君留取鏡中春

又

且鬪樽前見在身昔遊如夢可銷魂玉容依約
舊精神 千里重來人事改一盃相屬意還新
韶華不減洞中春

又

賦向伯恭鄉
林木犀二首

木似文犀感月華寸根移種自仙家
春蘭秋菊浪矜誇
玉露初零秋夜永幽香直入小窗紗
此時風月獨輸他

又

葉剪玻璃藥糝金清香端不數瓊
沉獨將高韵冠薌沐
千里江山新夢後一天風露小庭深
玉人歸興已駸駸

伯恭時守平江府署中有水犀開時大起歸興余故有後

詞未韻不數月得
請歸薜蘿林舊隱

又

淡褐衫兒壽帶藤碾花如意枕冠輕鳳鞋弓小
稱娉婷約畧梳妝隨事好出塵標韻出塵清
一枝梅映玉壺冰

又

窗外桃花爛熳開年時曾伴玉人來一枝斜插
鳳皇釵今日重來人事改花前無語獨徘徊

淒涼懷抱可憐哉

虞美人

瑤琴一弄清商怨
樓外桐陰轉
月華澄淡露華
濃
寂莫小池煙水冷
芙蓉
攀花擷翠當時事
綠葉同心字
有情還解憶人無
過盡寒沙新雁
甚無書

又

飛梁石徑關山路
慘淡秋容暮
一行新雁破寒

空腸斷碧雲千里水溶溶
鸞衾欲展誰堪共
簾幙霜華重鴨爐香盡錦屏中
幽夢今宵何許
與君同

又

紅塵正馬長安道人與花俱老
緩垂鞭袖過平康
散盡高陽零落少年場
朱絃重理相思調
無奈知音少
十年如夢儘堪傷
樂事如今回首
做淒涼

友古詞

十七

汲古閣

又

甲辰
入燕

綵旗搖曳檣舄轉鷁首征帆展高城樓觀算雲
平疊鼓凝笳都在斷腸聲綠窗朱戶空回首
明月還依舊亂山無數水茫茫誰念寒垣風物
聯恓惶

又

堆瓊滴露水壺瑩樓外天如鏡水晶雙枕襯雲
鬢卧看千山明月聽潏潏渡江桃葉分飛後

馬上猶回首郵亭今夜月空圓不似當時携手
對嬋娟

又

碧溪曾寄流紅字忍話當時事重來種種盡堪
悲有酒盈盃聊爲故人持夜閑剪燭西窗語
懷抱今如許樽前莫訝兩依依綠鬢朱絃不似
少年時

又

友古詞

十八

汲古閣

鸞屏繡被香雲擁平帖幽閨夢覺來重試古龍涎
深炷玉爐燒氣不燒煙 匆匆人去三更也
月到迴廊下出門無語送郎時淚共一天風露
溼羅衣

生查子

畫堂初見伊明月當窗滿今夜月如眉話別河
橋畔重見約中秋莫負于飛願免使月圓時
兩處空腸斷

又

霜寒月滿窗夜永人無寐絳蠟有餘情偏照鴛
鴦被看盡舊時書滴盡今生淚衙鼓已三更
還是和衣睡

又

金壺插玉芝人面交相照花影滿方床翠疊屏
山杳風月亦多情特地今宵好儘道夜初長
彈指東窗曉

又

幾番花信風數點籠絲雨
竝轡踏香塵選勝東
郊路韶華轉首空誰解
留春住幸到綠尊前
且作鶯花主

又

銀缸委墜紅碧鎖朦朧
曉別淚洒金徽一曲情
多少郵亭今夜長明月
香幃悄縱使夢相逢
何處尋蓬島

南歌子

蕭寺疎鐘斷虛堂夜氣清涼蟾偏向水窗明露
井碧梧寒葉顫秋聲幽恨人誰問孤衾淚獨
橫此時風月此時情擬倩藍橋婦夢見雲英

又

遠水澄明綠孤雲黯淡愁白蘋紅蓼滿汀洲腸
斷圓蟾空照木蘭舟節物傷羈旅歸程歎滯
留佳期已誤小紅樓賴得今年猶有閨中秋

又

恨入睂峰翠寒生酒暈紅臨期凝淚洒西風須
信世間無物似情濃玉蹬敲霜月金鉦伴曉
鐘淒涼古驛亂山重今夜擁衾無寐與君同

南鄉子

天外雨初收風緊雲輕已變秋邂逅故人同一
笑遲留聚散人生宜自謀去路指南州萬頃
雲濤一葉舟莫話太湖波浪險歸休人在溪邊

正倚樓

又

宣和壬寅予與向伯恭俱爲大漕屬官向有詞云憑書續斷腸因爲此詞

木落雁南翔
錦鯉慙勤爲渡江
淚墨銀鈎相憶
字成行
滴損雲牋小鳳皇
陳事費思量
回首
煙波卷夕陽
儘道憑書聊破恨
難忘及至書來
更斷腸

菩薩蠻

詠髮

鴛鴦枕上雲堆綠
蘭膏微潤知新沐
開帳對華

友古詞

燈見郎雙眼明
錦衾香馥郁
檻竹敲寒玉
何物最無情
曉雞咿啞聲

又

杏花零落清明雨
卷簾雙燕來還去
枕上玉芙蓉
香堆錦紅
翠翹金鈿
雀蟬鬢慵梳掠
心
事一春閑黛眉顰
遠山

又

飛英不向枝頭住
等閑又送春歸去
雲幄翠陰

浮長隨日脚流 玉簫吹鳳怨驚起樓中燕飛
去自雙雙惱人空斷腸

又

廣陵盛事

水光山影浮空碧柳絲搖曳春無力柳岸繫行
舟吹簫憶舊遊 舊遊堪更憶望斷迷南北千
古恨悠悠長江空自流

又

當時攜手今千里可堪重到相逢地觸目盡關

本古詩 二十二
心流鶯尚好音 無人知我意只有涓涓淚寂
寞到斜陽羅衣裏舊香

又

鳴笳疊鼓催雙槳扁舟穩泛桃花浪別淚洒東
風前歡如夢中 夢魂無定據不到相逢處縱
使夢相逢香閨豈解同

又

金鋪半掩銀蟾滿箇人應恨歸來晚軋軋櫓聲

遲那知心已飛 迎門一笑粲嬌困橫波慢慢
倚綠窗前今宵人月圓

又

雙雙紫燕來華屋雨餘芳艸池塘綠一夜擺花
風鶯花滿樹紅 盃深君莫訴醉袖歌金縷無
奈惜花心老來情轉深

又

朝來一陣狂風雨春光已作堂堂去茂綠滿繁

枝青梅結子時 攀枝驚晚晚樂事孤心眼正
是惜春歸那堪怨別離

又

凝羞隔水拋紅豆嫩桃如臉腰如柳心事暗相
期陽臺雲雨迷 玉樓花似雪花上朦朧月揮
淚執柔荑囟囟話別時

又

花冠鼓翼東方動蘭闥驚破遼陽夢翠被小屏

山曉窗燈影殘
竝頭雙燕語似訴橫塘雨風
雨曉寒多征人可奈何

憶秦娥

西湖

湖光碧春花秋月無今昔無今昔十年往事盡
成陳迹 玉簫聲斷雲屏隔山遙水遠長相憶
長相憶 一生懷抱爲君牽役

又

花陰月蘭堂夜宴神仙客神仙客江梅標韵海
友古詞

榮顏色 良辰佳會誠難得花前一醉君休惜
君休惜楚臺雲雨今夕何夕

清平樂

綵舟雙櫓六月臨平路小雨輕風消晚暑繞岸
荷花無數 玉人燦枕方床遙知待月西廂昨
夜有情風月今宵特地淒涼

又

南窗月滿繡被堆香暝若恨春宵更漏短應訝

郎歸又晚 征帆初落橋邊迎門一笑嫣然今
夜流霞共酌何妨金盞垂蓮

又

明眸秀色肌理凝香雪羅綺叢中標韵別捧酒
歌聲清越 不辭醉臉潮紅却愁歸騎囟囟回
首綠窗朱戶斷腸明月清風

謁金門

溪聲咽溪上有人離別別語叮嚀和淚說羅巾

友古詞

及古蜀

霑淚血，儘做剛腸如鐵到此也應愁絕回首
斷山帆影滅西船空載月

又

相思切觸目只供愁絕好夢驚回清漏咽燭殘
香穗結長恨南樓明月只解照人離缺同倚
朱欄飛大白今宵風月別

憶王孫

涼生水簾怯衣單明月樓高空画欄滿院啼蜚

人未眠掩重關烏鵲南飛風露寒

阮郎歸

煙籠寒水暝禽栖滿庭紅葉飛蘭堂寂寂画簾垂
霜濃更漏遲鴛被冷麝香微強歆單枕時
西窗看盡月痕移此情君怎知

柳梢青

數聲鶗鴂可憐又是春歸時節滿院東風海棠
鋪繡梨花飄雪丁香露泣殘枝算未比愁腸

友古話

二十六

汲古閣

寸結自是休文多情多感不干風月

又

子規啼月幽衾夢斷銷魂時節枕上斑斑枝頭
點點染成清血淒涼斷雨殘雲算此恨文君
更切老去情懷春來況味卹禁離別

又

聯壁尋春踏青尙憶年時攜手此際重來可憐
還是年年時候陰陰柳下人家人面桃花似

依舊但願年年春風有信人心長久

好事近

花露滴香紅花底漏聲初歇人似一枝梅瘦照
冰壺清徹翠蛾雲鬢爲誰容蟲絲寶奩結可
惜一春顚顚負滿懷風月

又

十幅健帆風天意巧催行客極目五湖雲浪沉
滿空秋色玉人應怪悞佳期凝恨正脉脉錦

鱗爲傳尺素報蘭舟消息

卜算子

風雨送春歸寂寞花空委枝上紅稀地上多萬
點隨流水翠黛斂春愁照影臨清泚應念韶
華惜舜顏洒遍胭脂淚

又

小閣沈清流一霎蓮塘雨風遞幽香入檻來枕
簾全無暑遐想似花人閱歲音塵阻物是人

非空斷腸夢入芳洲路

又題

玉斧斲冰輪中有乘鸞女鬢亂釵橫襟袖涼只
恐輕飛舉青冥縹緲間自有吹簫侶不向巫
山十二峯朝暮爲雲雨

又

前度月圓時月下相攜手今夜天邊月又圓夜
色如清晝風月渾依舊水館空回首明夜歸

來試問伊曾解思量否

又

重重雪外山渺渺煙中路路轉山橫無盡愁正
是分携處望極錦中書腸斷魚中素錦素沉
沉兩未期魚雁空相誤

又

春事付鶯花曾是鶯花主醉拍春衫金縷衣只
向花間住密意君聽取莫逐東風去若是真

心待子飛雲裏千條路

小重山

吳松浮天閣送別

樓外江山展翠屏
沉沉虹影畔
綵舟橫一樽別
酒爲君傾
留不住風色太無情
斜日半山明
画欄重倚處
獨銷凝
片帆回首在青冥
人不見
千里算雲平

又

澹澹秋容煙水寒
樓高
清夜永倚闌
干玉人不

見坐長歎簫聲遠明月滿空山
遐想綠雲鬟
青冥風露冷獨乘鸞別時容易見時難憑孤枕
聊復夢嬋娟

又

宣和甲辰余自彭城倅以檄燕山取道
莫問見所謂陳文者於州治之籌邊閣
誠不負所聞明年歸則陳已入
道矣崔守呼至之卽席贈此

流水桃花小洞天壺中春不老勝塵寰霞衣鶴
氅竝兆冠新裝好風韻愈飄然
功行滿三千
嬰兒并姪女鍊成丹劉郎曾約共昇仙十箇月

養箇小金壇

又

樓上風高翠袖寒
碧雲籠淡日照闌
千綠楊芳草恨綿綿
長亭路何處認征鞍
曉鏡嬾重看
鬢雲堆鳳髻
任闌珊
鸞衾鴛枕小屏山
人如玉
忍負一春閑

踏莎行

珮解江臯魂消南浦
人生惟有別離苦
別時容

友古詞

三十

汲古閣

易見時難算來却是無情語

盡戴席上語

百計留

君留君不住留君不住君須去望君頻問夢中
來免教腸斷巫山雨

又

秦妓胡芳來常隸籍以其端嚴如木偶人因目之爲佛乃作是云

如是我聞金仙出世一超直入如來地慈悲方
便濟羣生端嚴妙相誰能比 四衆皈依悉皆
歡喜有情同赴龍華會無憂悵裏結良緣麼訶
脩哩脩脩哩

又

客裏光陰傷離情味玉觴未舉心先醉臨岐莫
怪苦留連櫓舫轉處人千里恨寫新聲雲牋
密寄短封難盡心中事憑君看取紙痕斑分明
揔是離人淚

又

題團扇

落日歸雲寒空斷雁吳波淺淡山平遠丹青寫
出在霜縑佳人特地裁團扇漁艇孤煙酒旗

友古詞

三十一

汲古閣

幽院萱兒景趣君休羨五湖歸去共扁舟何如
早早酬深願

又

水滿青錢煙滋翠葆殘英滿地無人歸先來羈
思亂如雲無端更被春醒惱 疊疊遙山綿綿
遠道凭闌滿目唯芳草莫驚青鬢點秋霜盧郎
已分愁中老

又

贈老嚴道人

玉質孤高天姿明惠了無一點塵凡氣白蓮空
殿鎖幽芳亭亭獨占秋光裏一切見聞不可
思議我今有分親瞻禮願垂方便濟衆生他時
同赴龍華會

定風波

一曲驪歌酒一鍾可憐分袂太匆匆百計留君
留不住君去滿川煙暝滿帆風目斷魂銷人不
見但見青山隱隱水浮空擬把一襟相憶淚

友古詞

三十二

汲古閣

試□雲牋密酒付飛鴻

又

丙寅四月吳門西樓之集

老去情鍾不自持
簪花酌酒送春歸
玉貌冰姿人窈窕
一笑清狂豈減少年時
欲上香車俱脉脉
□□半簾花影月平西
待得酒醒人已去
凝竚斷雲殘雨儘堪悲

點絳脣

登歷陽連雲觀

水繞孤城亂山深鎖橫江路
帆歸別浦冉冉蘭

臯算 人在天涯雁背南雲去空凝竚鳳樓何
處煙靄迷津渡

又

和安行
老韵

香雪飄零暝風著柳籠絲雨惱人情緒春事還
如許 寶勒朱輪共結尋芳侶東郊路亂紅深
處醉拍黃金縷

又

背壁燈殘臥聽簷雨難成寐井梧飄墜歷歷蛩

聲細 數盡更籌滴盡羅巾淚如何睡甫能得
睡夢到相思地

又

月缺花殘世間樂事難雙美夜來相對把酒彈
清淚 一點情鍾銷盡英雄氣樊籠外五湖煙
水好作扁舟計

又

玉筍持盃飲紅氈翠歌金縷綵鴛戢羽未免羣

雞姘 我爲情多愁聽多情語君休訴兩心堅
固雲裏千條路

又

人面桃花去年今日津亭見瑤琴錦薦一弄清
商怨 今日重來不見如花面空腸斷亂紅千
片流水天涯遠

又

丙寅

梅雨初晴画欄開遍忘憂草蘭堂清窮高柳新

蟬噪 枕上芙蓉如夢還驚覺勾粧了背人微笑風入玲瓏罩

又

帳外華燈翠屏花影參差滿錦衣香暝苦恨春宵短 画角聲中雲雨還輕散河橋畔月華如練回首成腸斷

又

綠萼冰花數枝清影橫疎牖玉肌清瘦夜久輕

寒透 忍使孤芳攀折他人手
人歸後斷腸回首只有香盈袖

又

達常守陳正
同應之還朝

解紱朝天滿城桃李繁
陰布彩舟難駐忍聽驪歌舉
協理中興聖意方傾注
從今去五雲深處穩步沙堤路

又

雲雨昏昏洞房當日曾相遇
暫來還去無計留

春住 寶瑟重調靜聽鸞絲語休輕負綺窗朱
戶好做風光主

昭君怨

一曲雲和鬆響多少離愁心上寂莫掩屏帷淚
沾衣 最是銷魂處夜夜綺窗風雨風雨伴愁
眠夜如年

醉落魄

波紋如縠池塘雨後添新綠海棠初綻紅生肉

雙燕歸來還認舊巢宿
凝情憑喚闌干曲
新愁無限傷心目
誰人月下吹橫玉
驚起鴛鴦飛去自相逐

又

霜華搖落亭亭皓月侵朱箔
夢回欹枕聽殘角
一片寒聲風送入寥廓
眼前風月都如昨
獨眠無奈情懷惡
凭肩携手于飛約
斷想人人終是賦情薄

友古詞

又

明眸秀色雙蛾巧
画春山碧盈盈
標韵傾瑤席
一見樽前宛是舊相識
深期密語雖端的
良宵無奈成輕擲
忍教只恁空相憶
得入手來無限好
則劇

又

陽關聲噫清歌響
斷雲屏隔溪山
依舊連空碧
昨日主人今日是行客
綠窗朱戶應如昔
回

頭往事成陳迹後期總使無端的月下風前應
也解相憶

極相思

碧簷鳴玉玳瑁金瑣小蘭房樓高夜永飛霜滿
院壁月沉缸雲雨不成巫峽夢望仙鄉煙水
茫茫風前月底登高念遠無限淒涼

又

相思情味堪傷誰與話衷腸明朝見也桃花人

面碧鮮迴廊 別後相逢唯有夢夢同時展轉
思量不如早睡今宵魂夢先到伊行

玉樓春

碧桃溪上藍橋路寂莫朱門閑院宇粉牆疎竹
弄清蟾玉砌紅蕉宜夜雨箇中人是吹簫侶
花底深盟曾共語人生樂在兩知心此意此生
君記取

又

星河風露經年別。月照離亭花似雪。寶釵鸞鏡
會重逢。花裏同眠今夜月。月華依舊當時節。
細把離腸和淚說。人生只合鎮長圓。休似月圓
圓又缺。

長相思

我心堅。你心堅。各自心堅石也穿。誰言相見難。
小窗前。月嬋娟。玉困花柔竝枕眠。今宵人月
圓。

又

錦衾香玉枕雙昨夜深深小洞房回頭已斷腸
背蘭缸夢仙鄉風撼梧桐雨洒窗今宵好夜
長

又

村姑兒紅袖衣初發黃梅插稻時雙雙女伴隨
長歌詩短歌詩歌裏真情恨別離休言伊不
知

西地錦

寂莫悲秋懷抱掩重門悄悄清風皓月朱闌画
閣雙鴛池沼不忍今宵重到惹離愁多少蓬
山路杳藍橋信阻黃花空老

歸田樂

風生蘋末蓮香細新浴晚涼天氣猶自倚朱闌
波面雙雙彩鴛戲鸞釵委墜雲堆髻誰會此
時情意冰簟玉琴橫還是明月人千里

七娘子

天涯觸目傷離緒
登臨況值秋光暮
手撚黃花
憑誰分付
離離雁落蒹葭浦
憑高目斷桃溪路
屏山樓外青無數
綠水紅橋鎖窗朱戶
如今總是銷魂處

感皇恩

酒暈漚橫波玉肌香透輕裊腰肢妬垂柳臂寬
金釧且是不干春瘦撚金雙合字無心繡鬢

雲半墮金釵欲溜羅袂殘香忍重嗅渡江桃葉
腸斷爲誰招手倚闌凝望久眉空鬪

又

膏雨曉來晴海棠紅透碧草池塘裊金柳王孫
何在不念玉容消瘦日長深院靜簾垂繡
璨枕墮釵粉痕輕溜玉鼎龍涎記同嗅鈿箏重理
心事謾憑纖手素絃彈不盡眉峯鬪

減字木蘭花

癸亥元月秀守劉卿任有詞
時余適至秀因用其韵二首

友古詞

汲古閣

時初
因樂

彤庭龍尾禮備天顏知有喜九奏初傳耳冷人
間十七年 盈成持守仁德如春漸九有三輔
名州好整笙歌結勝遊

又

船回沙尾幾誤紅窗聽鵲喜尺素空傳轉首相
逢又隔年 寒燈獨守玉筍持盃寧復有秀水
南州徒使幽人作夢遊

又

多情多病玉貌疲來愁覽鏡門掩東風零落桃花滿地紅
重簾不捲愁覩杏梁雙語燕強拂瑤琴一曲幽蘭淚滿襟

又

庚申七夕

金風玉露喜鵲橋成牛女渡天宇沉沉一夕佳期兩意深
瓊籤報曙忍使颼輪容易去明日如今想見君心似我心

又

錦屏人醉玉暝香融春有味今日蘭舟魂夢還
隨綠水流高城望斷無奈城中人不見斜倚
粧樓恨入眉峯兩點愁

漁家傲

煙鎖池塘秋欲暮細細前香直到雙栖處竝枕
東窗聽夜雨偎金縷雲深不見來時路曉色
朦朧人去住香覆重簾密密聞私語目斷征帆

歸別浦空凝竚苔痕綠印金蓮步

西樓子

樓前流水悠悠駐行舟滿目寒雲衰艸使人愁
多少恨多少淚謾遲留何似驀然拚捨去來
休

又

紅靴玉帶歲蕤翠綃衣竝轡垂鞭粧影照清溪
長亭路停騎處晚涼時空有許多明月伴雙

栖

御街行

東君不鎖尋芳路曾是鶯花主有情風月可憐
宵猶記綠窗朱戶十年空想春風面杳無計憑
鱗羽淒涼懷抱今如許天與重相遇不應還
向楚峯前朝算爲雲爲雨算來各把平生分付
也不是惡著處

洛陽春

柳○向誤
作上陽春

好在章臺楊柳不禁春瘦淡煙微雨麴塵絲鎖
一點眉頭皺憶自灞陵別後青青依舊萬絲
千縷太多情忍攀折行人手

臨江仙

繁杏枝頭蜂蝶亂香風闔坐微聞靚粧濃艷任
東君無情風雨春事已平分珍重主人留客
意夜闌秉燭開樽何須歌韻遏行雲羽觴交勸
揮塵細論文

又

昨夜中秋今夕望十分桂影團圓玉人相對綠
樽前素娥有恨應是妬嬋娟人靜小庭風露
冷歌聲特地清圓醉紅醺臉髻鬟偏翠裙輕皺
端的爲留仙

又

簾幙深深清晝永玉人不耐春閑鏤牙碁子縷
金圓象盤雅戲相對小窗前隔打直行尖曲

路教人費盡機關局中勝負定誰偏
饒伊使倖畢竟我贏先

又

示犀

仙品不同桃李艷移來月窟雲鄉幽
姿綽約道家妝綠雲堆髻嬌額半塗黃
可但乍涼風月下饒伊獨占秋光雨中
別有惱人香錯教蕭史腸斷憶巫陽

又

琪樹鸞栖花露重依稀蘭洞風光玉人相對自
生涼翠鬟瓊珮綽約並珠粧寶瑟聲沉清夢
覺夜闌明月幽窗可堪襟袂惹餘香斷雲殘雨
何處認高唐

又

中秋和
沈文伯

記得南樓三五夜曾聽鳳筦昭華樽前此際重
興嗟素娥端有恨煙靄等閑遮珍重主人畱
客意厭厭緩引流霞夜閑銀漢淡天涯亭亭丹

桂現耿耿玉繩斜

又藏春
君

青潤奇峯名韞玉溫其質竝瓊瑤中分瀑布瀉
雲濤雙巒呈翠色氣象兩相高珍重幽人誠
好事綠窗聊助風騷寄言俗客莫相嘲物輕人
意重千里贈鵝毛

瑞鷗鵠

客有作北里遜勝圖冠以曲子名
東風第一枝裒然居首因作此詞

脉脉柔情不自持淺顰輕笑百般宜樽前唱歌

友古語

四十五

汲古閣

黃金縷一點春愁入翠眉
流蕙盼捧瑤卮借
君歌扇寫新詩浮花謾說驚郎月不似東風第
一枝

惜奴嬌

一作粉蝶兒

隔闌多時算彼此難存濟咫尺地千山萬水眼
眼相看要說話都無計只是唱曲兒詞中認意
雪意垂垂更刮地寒風起怎禁這幾夜意未
散癡心便指望長偎倚只替那火桶兒與奴暝

被

行香子

珠露初零天宇澄明正開階皎月亭亭更闌人
靜煙歛風清更井邊桐一葉葉做秋聲斗帳
鸞屏翠被華裯夢回時酒力初醒綠雲堆枕紅
玉生春且打疊起龍牙簾竹夫人

一剪梅

堆枕烏雲墮翠翹午夢驚回滿眼春嬌嬛嬛一

嫋楚宮腰那更春來玉減香消
柳下朱門傍
小橋幾度紅窗誤認鳴鑣斷腸風月可憐宵忍
便慙慙兩處無聊

又

高宴華堂夜向闌急管飛霜羯鼓聲乾仙人掌
上水晶盤回按凌波舞袖弓彎曲罷凝嬌整
翠鬟玉筍持盃巧笑嫣然爲君一醉倒金船只
恐醒來人隔雲山

又

甲辰
除夜

夜永虛堂燭影寒斗轉春來又是明年異香懷
抱只淒然樽酒相逢姑且自寬天際孤雲雲
外山夢繞觚稜日下長安功名已覺負初心羞
對菱花綠鬢成斑

六么令

梅英飄雪弱柳弄新綠冷冷画橋流水風靜波
如縠長記扁舟共載偶近旗亭宿渺雲橫玉駕

驚枕上聽徹新番數般曲 此際魂清夢冷綉
被香芬馥因念多感情懷觸處傷心目自是今
宵獨寐怎不添愁感如今心足風前月下賴有
新人慰幽獨

鎮西

秋風吹雨覺重衾寒透傷心聽曉鍾殘漏凝情
久記紅窗夜雪促膝圍爐交盃勸酒如今頓孤
歡偶 念別後菱花清鏡裏眉峯暗闌想標容

怎禁銷瘦忍回首但雲牋妙墨鴛錦啼妝依然
似舊臨風淚霑襟袖

看花回

和趙智夫韵

夜久涼生庭院漏聲頻促念昔勝遊舊地對画
閣層巒雨餘煙簇新詩暗藏小字霜刀刊翠竹
攜素手細繞回塘芰荷香裏彩鴛宿別後想
香銷膩玉帶圍減削寬金粟雖有鱗鴻錦素奈
事與心違佳期難卜擬解愁腸萬結唯憑樽酒

綠望天涯斷魂處醉拍闌干曲

訴衷情

亭亭秋水玉芙蓉天際水浮空碧雲望中空算
人在廣寒宮雙縷枕曲屏風小房櫳可憐今
夜明月清風無計君同

浪淘沙

樓下水潺潺樓外屏山淡煙籠月晚涼天曾與
玉人攜素手同倚闌干雲散夢難圓幽恨綿

綿舊遊重到忍重看負你一生多少淚月下花
前

如夢令

人靜重門深亞朱閣画簾高掛人與月俱團月
色波光相射瀟洒瀟洒人月長長今夜

又

今夜行雲何處還是月華當午倚遍曲欄橋望
斷錦屏歸路空去空去夢到綠窗朱戶

愁倚欄

傷春晚送春歸步雲溪綠葉同心雙小字記曾
題樓外紅日平西長亭路煙草萋萋雲雨不
成新夢後倚欄時

又

天如水月如鉤正新秋月影參差人窈窕小紅
樓如今往事悠悠樓前水腸斷東流舊物忍
看金約腕玉搔頭

又

一番雨一番涼夜初長滿院蛩吟人不寐月侵
廊木犀微綻幽芳西風透窈窕紅窗恰似箇
人鴛被裏玉肌香

望江南

感事

落花盡寂莫委殘紅蝶帳夢回空曉月鳳樓人
去謾東風春事已成空閑佇立□□水溶溶
雲鎖亂山橫慘淡煙籠綠樹晚冥濛却在淚痕

中

春光好

鸞屏掩翠衾香小
蘭房回首當時雲雨夢兩難
忘
如今水遠山長憑鱗翼難敘衷腸
況是教人無可恨一味思量

風流子

韶華驚畹晚卜春光倦
客惜年芳口庭樾陰濃
半藏鶯語畹蘭香減時
百蜂忙粉墻低嫩嵐滋

翠葆零露溼殘粧風暝晝長柳綿吹盡澹煙微
雨梅子初黃洛浦音容遠書空漫惆悵往事
悲涼無奈錦鱗杳杳不渡橫塘念蝴蝶夢回子
規聲裡半窗斜月一枕餘香擬待自寬除非鐵
做心腸

朝中措

章臺楊柳月依依飛絮送春歸院宇日長人靜
園林綠暗紅稀庭前花謝了行雲散後物是

人非唯有一襟清淚凭欄洒遍殘枝

又

雨餘清鏡湛秋容
屏展九華峯
萬里關雲散盡
半規涼月當空
樓高夜□永憑欄笑語此際
誰同
端有妙人攜手
翛然歸路凌風

侍香金童

寶馬行春緩轡隨
油壁念一瞬韶光堪重惜
還
是去年同醉日
客裡情懷倍添悽惻
記南城

錦逕名園曾遍歷更柳下人家似織此際凭欄
愁脉脉滿目江山暮雲空碧

江城子

秋夜觀牛
女星作

碧幙文簾小窗前乍更闌□□□烏鵲南飛秋
意漸淒然滿院蛩吟風露下人窈窕月嬋娟
雙星舊約又經年信誰傳恨絲絲□隔明河長
作斷腸仙爭似秦樓蕭史伴瑤臺路共乘鸞

西江月

翡翠蒙金衫子鏤塵如意冠兒持盃輕按遇雲
詞別是出塵風味莫羨雙星舊約願諧明月
佳期憑肩密語兩心知一棹五湖煙水

蒼梧謠

天休使圓蟾照客眠人何在桂影自嬋娟

採桑子

孫仲謫集于西魚題作兒
作第一流因以詞謝之

奇花不比尋常艷獨步南州往事悠悠遼鶴重
來憶夢遊仙翁不改青青眼一醉遲留妙墨

銀鈎題作人間第一流

洞仙歌

鶯鶯燕燕本是于飛伴
風月佳時阻幽願
但人心堅固後天也憐人
相逢處依舊桃花人面
綠窗攜手簾幙重重燭影搖紅
夜將半對樽前
如夢欲語魂驚語未竟
已覺衣襟淚滿
我只爲相思特特來這度
更休推後回相見

瑞鶴仙

玉猊香謾爇嘆瓶沉簪斷紫簫聲絕丹青挂寒
壁細端詳宛是舊時標格音容望極奈弱水蓬
山路隔似瑤林瓊樹韶華正好一枝先折淒
切相思情味鏡中綠鬢看成華髮臨風對月空
羅袂搵清血待隨群逐隊開眉一笑除你心腸
是鐵看今生爲伊煩惱甚時是徹

仲道莆田人別號友古居士忠惠公之孫
也其居距城不及五里舍宇矮欲壓頭猶

是伊祖舊物劉後村過而詠之曰廟院蜂
房居想羨其同居古風歟但据忠惠公荔
子譜云玉堂紅一種佳絕正產其地伸道
從無一語詠之何耶其和向伯恭木犀諸
闕亦遜酒邊集三舍矣古虞毛晉識

友古詞終